

Nr. 5 2023/24



Part generala

A partir digl onn da scola 2024/25 survegnan tut las scolas popularas dil cantun Grischun las communicaziuns digl Uffici per la scola populara ed il sport (USS) sco newsletter dad e-mail "FOCUS – SCHULE SCOLA SCUOLA". Quel remplazza la circulara enconuschenta "Info per persunas d'instrucziun, per meinascolas e cussegls da scola".

Cun la nova newsletter trilingua survegnan las instituziuns responsablas per la scola populara era vinavon – en fuorma cumpacta e repassada – las informaziuns las pli impuruntas digl USS.

La newsletter cumpara treis gadas per onn da scola, mintgämai miez uost, l'entschatta december e la fin avrel. "FOCUS – SCHULE SCOLA SCUOLA" vegn publicada parallelmein sin la pagina d'internet digl USS. Nus supplichein las direcziuns da scola e da las instituziuns da tarmetter la newsletter a lur persunas d'instrucziun sco era als cussegls da scola.

Dis da cantar a Zuoz

Las persunas d'instrucziun dependan da lur vusch naven dalla damaun tochen la sera. Sche la vusch vegn strapazzada memia fetg, sa quei vegnir malemperneivel.

Vuls ti schar controllar la funcziun da tia vusch enteifer ina lecziun da formar la vusch a moda individuala ni en grupp? Ni contas ti bugen en in chor ad hoc sut la direcziun d'in dirigent da musica da renun da Stuttgart? Teidlas ti bugen quei che schabegia en nies tschurvi e tgei che semida leu, cura che nus cantein e fagein musica? Co sas ti mobilisar hormons da ventira e sinapsas?

Quellas ed aunc ulteriuras purschidas stattan a disposizion a ti gratuitamein a caschun dils dis da cant a Zuoz che han liug miez settember 2024.

[Annunzia ed informaziuns](#)



Italiano – Lungatg e sport ella Svizra taliana

"Italianando" ei ina purschida captivonta per emprender d'enconuscher il lungatg e la cultura taliana. El exista dapi igl onn 2016 ed ei ina mischeida varionta da cuors da lungatg, sport ed activitads duront il temps liber. Questa purschida sedrezza a giuvenils denter 13 e 20 onns che vulan scuvierer ni approfundar il tierz lungatg nazional. Ei vegn purschiu cuors dad in'jamna per principiants ed avanzai. Quels han liug el center "Giuentetgna & sport" a Bellinzona duront las vacanzas da stad e d'atun. L'jamna cuosta frs. 350.– cumpriu tut!

[Annunzia e Flyer](#)



Il teppi magic – ina praula musicala

Tgi sgulass buc bugen sin in teppi magic sur cuolms ed uaus, deserts e mars ed evenimentass aventuras grondiusas?

Ella praula musicala "Il teppi magic – Il tappeto magico" vegnan tematicas ecologicas plidentadas ed integradas en ina historia humoristica. Sin in viadi misterius entaupan ils affons differents animals e sedamondan: Ha igl uors da glatsch engulau l'aua ord l'oasa ed arcunau ella en sias muntnognas da glatsch al pol di nord e pertgei enquera el urgantamein in coiffeur?

Il program interactiv ei cumpacts e cumpatibels cun il plan d'instrucziun 21 (adattaus per affons da ca. 5 tochen 10 onns els roms NUS – musica – lungatg) e sa vegnir empustaus per occurrentzas da scola (era per talian, cun ni senza band). Las canzuns ein arranschadas aschia ch'ils affons san cantar ensemens, cantar cun sblatschar ni cantar cun e semuentar.

Il fevrer e mars 2025 dat ei presentaziuns per classas da scola el kino Rätia a Tusaun ni ella Klibühni a Cuera.

Ulteriuras informaziuns ed annunzia



Dieta davart absentissem en scola zhaw

Alla dieta davart "absentissem en scola" dils 30 d'octobre 2024 expliceschan persunas specialisadas ord differentas perspectivas e professiuns il tema complex e mettan a disposizion exempels concrets ord la pratica. Ultra da quei vegnan ils dus temas "temas" e "turpetg" tractai a moda differenziada. L'occurrenza ei adattada per tut quels ch'ein pertuccai d'absentissem en scola e che vulan scumiar meinis e secolligar cun auters pertuccai.

Annunzia ed informaziuns



LISSA par excellence 2024

Cun il project per promover talents "LISSA par excellence" vegnan las persunas d'instrucziun e las scolas encuraschadas da crear pusseivladads d'emprender specialas e da parter buns exempels. Entras il premi LISSA san ellas daventar in exemplar per autres scolas e mussar l'atgna excellenza anovias.

Publicaziun e termins



Jamnas d'acziun "walk to school"

Las jamnas d'acziun "walk to school" han puspei liug quest onn - sco adina denter las vacanzas da stad e d'atun. Las jamnas d'acziun han la finamira che aschi biaras scolarias e scolars sco pusseivel van duront duas jamnas a pei a scolletta ni a scola e dattan aschia in signal encounter ils survetschs da taxi dils geniturs.

Las jamnas d'acziun "walk to school" duein far attents affons, geniturs e persunas d'instrucziun sils avantatgs d'ir a pei a scola e porscher als affons la pusseivladad d'exercitar lur via da scola.

Informaziuns ed annunzia



Schurmetg da datas – Concurrenza da video (Sec I)

Dapi in pèr onns realisescha l'autoritat per la protecziun da datas dil cantun Turitg ina concurrenza da video davart la protecziun da datas. La finamira ei da sensibilisar giuvenils e persunas giuvnas carschidas per lur atgna situaziun e per lur diever da datas personalas el mund digital.

Da niev vegn la concurrenza focussada sil sectur dalla scola, aschia che era classas dil scalem secundar I san separticipar. Termin d'annunzia ei ils 31 d'uost 2024.

Material d'informaziun davart la concurrenza da video



Cordials salids

Chantal Marti-Müller
Menadra USS

Philipp Hugentobler
Menader inspectorat da scola

Part regiunala

Termins

Occurrenzas d'informaziun per cussegls da scola

Gliendisdis, 10-06-2024, 19.30-21.30 uras

Aula ella casa da scola a Glion

Valetaziun e promozion da scola: Onn da scola 2024/25

Glion, Sec I	24-10-24 – 31-10-24
CSST, Trun	02-12-24 – 06-12-24
CSST, Rabius	13-01-25 – 17-01-25
LFSS, Sagogn-Schluein	10-03-25 – 14-03-25
LFSS, Laax-Falera	31-03-25 – 04-04-25

IPPI

L'occurrenza da partenza per l'introduziun ella clamada ha liug mesjamna, ils 7 d'uost 2024, 13:30-17:00 uras ell'aula dalla casa da scola a Glion.

Nus supplichein ils meinascolas da far attents las novas persunas d'instrucziun sin quei termin.

Engraziament ed adia

En quei mument vulein nus engraziar cordialmein per il grond engaschi che vegn prestaus ellas scolas dalla Surselva per il beinstar dallas scolaras e dils scolars.

In engraziament special cun ils megliers giavischs va a tut quellas persunas d'instrucziun che han contonschiu lur beinmeritada vegliadetgna da pensiun e che vegnan a bandunar la stad la scola.

Nus giavischein a tut las persunas d'instrucziun, allas direzioni da scola ed als cussegls da scola ina bona finizion digl onn da scola 2023/24.

Cordials salids

Inspectorat da scola Surselva
Alexi Nay, Vigeli Jacomet



